


葉昌熾 著

緣督廬日記





清·葉昌熾 著



廬日記
七

江蘇古籍出版社

樣本書



淮陰師院圖書館 543243

癸卯日記

正月

元旦喜神正南方 萬壽宮朝賀昨聞行禮甚早假寐待旦更
籌纔逾四下催帖即至甫易朝衣即聞崧帥已先到既至行
禮畢謁 文廟又至江南館拈香天尚未明與姜梁生大令
談良久始辨色即出升輿下階縣見瑞雪繽紛驚翔而下及
至督轅登司道府縣署賀年歸署謁三聖宮土地祠祭竈神
拜影堂畢晨曦微透滕六君已返駕矣不先不後適逢元日
初旦又於朝儀畢後雖未深透不可謂非瑞雪豐稔有兆矣
崧帥之歸喜可知也河州管帶副和鄭德華歸耀亭謁紅燭

百斤約明日來見

初二日晴鄭耀亭爽約未至午刻崧帥來賀禮辭不可繼以胡
王疇觀察皆久談甫送客談夢九來時日已曛矣尚未飯遂
辭之燈下作七律兩首賀崧帥閱邸抄張蓮芬調補充沂曾
濟道王仁寶調補天津道王觀簪弼國銘蘇州同鄉也王靜
卿所著歐洲族類源流畧五卷歐洲列國紀載本末攷二十
二卷前贈非足本茲刻藏以全卒見詒又贈彼得興俄記兩
冊

初三日晴摺件昨由驛寄回函告談夢九作一電復施裕堂謝
之久未臨池今日復寫經百餘字

初四日晴齒痛鄭耀庭來見為其部曲兩同鄉說項操土音十
不得三四午後拜年先至城外答傳統領並其五營拏弁入
城見崧帥以次見胡觀峇何方伯惟黃廉訪未見其餘皆望
門投刺此間寅僚元旦投刺之後尚須照例一登堂較他省
猶有古道

初五日晴暖甚喉齒均痛撤火爐易小羊裘午後胡臚齋太守
來夜方伯招飲玉疇子遼賀觀察荔岑湯大令雨山同席
初六日晴暖蔣潤吾來未見午後席平山王靜卿先後來見齒
痛齟爛延及上頰恐其滋蔓取爛梨絞汁冷飲涼肝鬲
初七日晴齒痛甚得熱則益劇粥飯皆不能下咽兩餐皆以麥

緣督廬日記

斜同鄉

錦亭軍門抄到省先以一函賀之閱邸抄見元旦所

頒皇太后七旬萬壽恩詔以今年正科為恩科癸卯鄉

試甲辰會試皆歸併丙午丁未舉行初來一電但有併科而

無恩榜知其謠奪也

初八日晴立春午後賴春亭來安徽同鄉石叻鎮乾來問其

炳

閱系知為宿松世家尚有丙子年誼申刻治觴宴莊帥何方

伯黃廉訪胡觀蒼陪座酬應竟日夜卧煩躁齒齟齬又隱隱

作痛

初九日晴陰姚興齋總戎自金家厓進省拜年談夢九來又見

楊廣文德培新署秦州學正批閱公牘文縣請給頂一案內

有生負益其誠令文顯皆稀姓夜心火上炎煩躁殊甚難三
唱始交睫

初十日晴早起齒痛甚午後霍竹汀觀蒼來久談出城答拜姚
摠戎未見夜玉疇招飲方伯廉訪江陳賀三觀答胡體齋太
守同坐齒痛甚不能大啖畧下箸而已歸後以川連山梔麥
冬元參四味煎湯服之夜卧心火稍降尚得寐

十一日晴上齧爛處未斂齒仍痛不能進熱飲兩餐皆以麥餅
再服昨劑加決明子五錢發春江師永詩師張健亭軍門陸
振之○大○令○各○一○函

十二日晴新到省州吏目陽湖同鄉張鴻來見伊犁鎮馬軍門

緣督廬日記

安良號漢如與姚興齋先後來皆畧談伏波係河州回旗長
身赤觀嚴重有威連服黃連兩劑得其苦降之力心火少殺
夜寐稍安今日見客即覺氣促欲喘甚矣吾哀寒涼之品亦
不宜輕投矣夜崧帥招飲方伯廉訪暨胡觀簪同席沈淇泉
學使自陝中函來並寄到味經書局排印新學初級書目關
中書局初自遜庵前輩淇泉復變通而推廣之隴上士子孤
陋無書可讀設局刻書視關中尤為當務之急到此半年折
伯難呼徒成虛願視柯沈兩君有愧色矣又得鄭耀亭副戎
書求為說項前日餽蠟卻之不情一收之後即如債臺數契
齒而責償此鄙人所以見阿堵而變色惟恐其流我也

十三日晴陰王獻臣大令自金縣到省安徽同鄉巡檢蕭開翼
辦得亭新卸階州吏目署篆回先後來見各求說項一欲調
優缺一欲得釐差聞之感額即使鄰人兼握督藩兩篆亦豈
能盡如人意此後祇能閉門謝客庶幾稍寡吾過夜治觴請
江觀簪筱崇賀觀簪荔岑首府胡太守首縣張大令及王王
峯秉彥張春樵孝恮姜梁生鎮南共七人霍觀簪以期服陳
觀簪以家忌均未到京信繕完共七十通即致鳳石前輩一
緘經由兩緘由正月頭班帶都閱邸抄安徽吳方伯告
病開缺聯魁升皖藩漢子潼升皖臬余肇康升荆宜施道武
昌府遺缺以琦璋補授刑部尚書榮慶會同張百熙管理大

學堂事務奎俊補理藩院尚書

十四日晴蕭得亭以豚蹄來祝以不卻卻之

十五日晴 文廟拈香此間上元燈市甚盛因昨日忌辰於黎明燃燭途次見餘燼熒熒尚未滅自 大成殿至文昌宮即氣升欲喘崧帥自言哀狀然長於鄙人尚十二歲真所謂一蟹不如一蟹矣歸後賴春亭來談出拜鄧錦亭馬漢如兩軍門王鴻齋同年王獻臣大令皆未見午後靖遠縣劉瀛仙來視其年尚少自言與季遠巽庵同行輩則為鄂渚老宿矣昨夜卧後五心煩熱燔灼如焚起坐披衣知奴子於枕下置一表已市月矣頗為諸陽所聚此當是一月來病根即去之並

撤一覆衾之羊裘倚高枕假寐心地始得清涼全夜点安眠
到曉

十六日晴午前劉讓木來談極久新選兩當縣訓導李濤來見
閱定觀風卷關內外各屬共二百八十三本超取六本正取
二十本副取五本備取四十本共七十一本其餘皆在遺珠
之列超取第一河州鄧隆給獎十金以下遞降至正副取人
各一金共發獎銀五十四兩

十七日晴左文襄公祠寅僚團拜午後先答拜劉瀛仙大令而
後赴之文自方伯以下武自鄧軍門以下皆先集候大帥至
即舉觴優人呈戲目共四班合演其一單似皆崑曲點薦葛

緣督廬日記

一齣及登場則依然秦聲嗚嗚黃昏歸屋市燈火熒煌如遊
不夜之城發東西路各鎮道賀函得陳蘇生同年都門書自
靈州來為該州牧洪翰泉刺史翼說項欲展瓜期有李輯庭
之前鑒在敢謝不敏

十八日晴晏起督標遊擊孟根和號松亭崑山同鄉也到省後
第一次來見舊在嵩武營當差與仙根大昆季有交誼王鴻
齋同年暨武進同鄉徐承霈號晚川新郛通渭馬營監釐差
回先後來見午後候補直隸州歸安沈模號少襄來見其父
曾任燉煌令有惠政將以名宦請得瑞仁圃太守函求兼平
涼釐差各署茲通稟可謂老而悖矣聞公牘

十九日晴開印大吉折柬招同鄉凌志和李宗藩與幕中諸君子飲酒丰泰安縣張敬臣大令來辭未見

二十日晴答張敬臣徐曉川又至陳子遠廬送別吳泰伯生日江南館治觴祝嘏並集同鄉團拜玉疇到極早同觀劇三四齣因黃廉訪招飲即先歸畧憩即至臬署見鄧軍門何方伯王鴻齋劉瀛仙諸大令客扣散方伯紀綱持朝報來去歲彈章出王聘三侍御奉旨安徽指納試用同知何厚彭著交部議處而方伯則加恩免議天恩高厚崧帥一言亦重於九鼎已

廿一日晴恆州軍自涼州到省以忌辰不能出近聞定新量試

緣督廬日記

廿卷迪化鎮西兩屬童生皆取進如額綏來縣無一寺夜寐煩
躁

廿二日晴河州鎮羅總兵平安晨來即往答拜並先拜恆州軍
畧談又至督轅賀添丁之喜答拜孟采亭未見歸後張春橋
大令來署階州學正周應澧來並見之申刻治觴宴恆州軍
鄧軍門傅梅亭統領王濟臣協戎陳子遠王鴻齋共六人今
日藩臬道三署同日設宴賓客應接不暇張敬臣先辭劉瀛
仙到後綴帖即去得慶潤溥太守函求說項補首府以舉鼎
責侏儒不知其絕體也前月所遞附片奉到電傳諭旨山
丹縣教諭荀萃琮金縣訓導謝邦彥均著賞給國子監學正

銜新疊迪化府教授巨國桂賞給內閣中書銜莊浪鄉學訓導張宸樞因案婪索不知遠嫌秦安縣訓導謝敬熙行乞卑鄙不堪司鐸均著即行革職滇撫鄧小帥川督岑雲帥皆有甄別之奏雲帥所劾道府以下四五十員送來疊臣所未有也晉撫俞廉三告病開缺奉旨張曾敳補授陳璠升川藩錫綸補福建遺缺府羅平安調補河州鎮總兵田玉廣調補延榆綏鎮張永清調補甯夏鎮姚旺調補涼州鎮江蘇候補道鄭孝胥發往四川隨同辦理商務礦務

廿三日晴忌辰批閱公牘淇泉自西安電告云張梅航請郵事乞轉懇錫帥逾格成全此亦非學臣所能越俎易地而觀得

緣督廬日記

無不諒心葵夫婦來書四通兩函十月發兩函十一月發

廿四日晴午前卸署渭源縣訓導席豐美送考來見石參州炳乾來拒之不可適同鄉馬贊臣以委署莊浪縣丞來即同見之午後卸署循化廳訓導栗成科來未見遞履歷以修葺文廟工程叙入但願銜嚮而不知其非例也大通縣萬鍾縣辦小湖閘人到省來見以整頓書院請苦無經費欲追兵燹以前舊款此事須斟酌也甯夏都統成芝田奉諱客歲有計來作一函唁之並寄帛敬八金

廿五日晴晨梯沐甫竟釐局文案候補縣王建號卓亭來見李宗藩來歸計狐疑經和卿介候德惠再三始見治裝午後舉